



啓禎野乘五卷  
至十九



啓禎野乘五冊



敬禎野乘一集

卷九

林尚書傳

公諱宰號平華福建漳浦人也中萬曆辛丑進士除  
 無錫知縣行取禮部儀制司主事歷員外郎中尋叅  
 議于江西按察布政于四川復入為太僕寺少卿通  
 政使南京戶兵部侍郎晉工部尚書卒于家公器宇  
 恢宏才識通敏蒞事勤慎臨民和易其在無錫政聲  
 最著甫蒞任即捐俸五十金修復道南書院每月朔

梁溪鄒

漪流綺甫纂



望主東林文會集紳士講德問業不輟錫劇邑民若  
重役充糧長者立致破家公盡革其煩費積因以甦  
故事舖行物價官府止給其半至公而槩予全值而  
又革火耗以勸輸蠲罰緩以止訟省簽票以息焚捕  
盜賊以靖亂毀淫祠以斥邪鋤豪猾以詰奸邑有旱  
澇公布衣蔬食步禱壇壝災荒所在雖窮鄉僻壤必  
躬行踏勘吏胥不得上下其手爲令七年止飲惠泉  
勺水門無暮夜金簿書旁午剖斷如流按律得情兩  
造俱悅服去過請托盡行謝絕尤留意作人興文學

修賢序時馬公世奇尚困童子科公一見目爲大器  
拔冠一軍及丙午分試南闈取鄒公之麟爲解元人  
稱冰鑑其他典利除弊剪旻旌良尤不勝書無媿民  
之父母云去之日百姓攀轅卧轍者以千計建碑立  
祠至今猶歌思之後祀入名宦祠

論曰林尚書歷官顯要躋卿貳而其宦績沾沾著人  
耳目者則在吾邑距今已五十年矣錫民未嘗不口  
碑也有抑而不獲伸者安所得林青天哉後林公二  
十載而又有郭公夔一諱佳林公佃士諱皆以文經

式緯之才而有吏畏民懷之效。二公予猶得北面事之。其政績班班可攷。稱當世神君焉。今皆稱歸然靈光矣。苟非愷悌君子能如是乎。是真可謂偉人矣。

米長史傳

案米鍾字友石此失採

公名萬鍾。湖廣辰溪人也。性簡默。厚重于利。欲淡然而最留心理學。律身如處女人。以非禮犯者。受不報。嘗讀書大酉觀中。里豪見其監縷。侮之。塗人不平。咸齒擊欲逞。公曰。是何隘也。有身不修。而外侮適堪鞭策。及與角長技乎。其謙退容忍如此。萬曆甲午。舉于鄉。四上公車。不第。嘗帶經治園圃。樵而薪。春而炊。皆躬任之。初任靖州學正。所教士多成名。除貴州甕安令。甕故播地。新遷衛邑。戶口實之。然酋種尚強。半隱姓。

名偏處者恣凌暴奪人田地相仇殺日多院司訟牒紛下勾攝蝟集株連公爲隨事費心酌量爰書所生活至千百人或謂于侵奪用重典取其田入官可幽獲金公指天誓曰甕履地皆吾子也而忍剝之自榮耶子來省一夕徐告曰士民誠頌翁廉然亦嘆翁矯太自苦徒廉無當也因臚指其事公怒曰吾清介非爲名要憐此草昧民俾得漸厚生耳乃強吾墨爲爾衣食計有如此燭矣遷守雲南彌勒州甕民聚首泣于庭者數日爲政疏寬剔濫如治甕安時日徵糧十

八寨宿寨草舍龕內有州大夫主焉問故其人頓顙泣且謝曰民某案囚也蒙鞠核寬無報路謀於諸再生者削木主便頂祝今香火比屋非獨民一人也公謙謝命卽撤去竟以不善事當路左遷靖安王府左長史遂拂衣歸比歸襪被蕭條益修恬澹郡人稱爲有道先生云

論曰今天下之吏治其弊極矣士甫得一官卽脂韋染指而士大夫居常議論亦每每計宦貴之厚薄以爲能否嗚呼朝廷不愛高爵厚祿以寵縉紳而寧忍

其爲肥身飽家計乎官無廉恥賄賂公行自昔爲然  
于今尤甚奈之何不民窮且盜也廉潔如公左遷以  
去公道不昭可勝嘆哉

### 劉無錫傳

公名五緯號夢鳳四川萬縣人也中萬曆己未進士  
初授廬江知縣辛酉調繁無錫尋以病去再補登封  
寶豐所至有政蹟復告歸卒于家公爲人溫良愷悌  
而臨事敏決綽有幹才日以興除爲己任甫蒞任卽  
立碑于堂大書誓詞其上曰徇情執法虐民肥己蓋  
載不容人鬼竝譴時塘岸傾欹行旅艱苦公捐俸修  
築自毘陵至錫山百里間人不病涉學宮祭器歲久  
頽廢公悉爲製造頗還舊觀至聽訟如神凜持三尺



雖有豪強不爲狗彘某某踞故岳之大廈而凌厥孤  
則還之某某溺新娶之偏房而縊其正妻則按之富  
民某犯大辟介公門下士某餽送酒醴而甕置兼金  
百鎰公曰此酒太濃吾無所用之也却不受其清絕  
一塵如此錫固多天罡懶棍擇人而食公廉得其渠  
魁置之法群黨股票而又興學校以育才修月城以  
固圉操圖兵以詰奸設團官以搜弊禁單裙以杜漸  
懲賭博以化民善政纍纍中蜚語去百姓爲立去  
思碑以尸祝之郡守曾公纓嘗曰設令宣尼爲錫令  
亦難作三月大治事奈何獨咎劉令乎公死十餘年  
有神降于祭氏云公爲水仙神邑人建廟以祀禱輒  
應遠近焉

論曰劉公之令吾邑也余時尚在襁褓中旣而習聞  
其愛民如子多善政而于積奸衙蠹尤三尺不少貸  
所謂狼豸不除則嘉禾不生去其害民者而民乃得  
安也今日吾邑之衙蠹不少矣若燈籠許三活閻王  
許長輩兄弟積惡怙終不悛如虎如狼飛而食人所  
幸父母身明嫉惡如仇若輩猶知顧忌否則舞爪張

牙○小○民○之○受○其○塗○毒○者○不○知○其○何○如○矣○夫○國○法○或○可○  
倖○逃○神○聽○應○知○非○遠○劉○公○如○在○之○威○或○亦○憫○念○此○一○  
方○民○而○宥○賜○之○殛○罰○否○耶○

譚太僕傳

公名昌言字聖俞浙江嘉興人也中萬曆甲午鄉試  
第一辛丑成進士除常熟知縣改婺源縣外艱服闋  
補任欒城陞南京兵部職方司主事轉車駕司員外  
陞郎中內艱服闋入為兵部車駕司郎中出為福建  
提學叅議以山東布政司右叅政為青登萊海防督  
餉監軍天啟五年三月十四日卒于官思宗御極  
追贈太僕寺卿賜祭葬蔭一子公為令計口食俸齋  
厨蕭然摘奸發伏民誦如神而省供億裁贖緩清明

惠和所在治理○常熟五年編徭有不承者出片紙與  
之○曰○若果無田無資不應役者以此紙自榜于區中  
吾不汝禁也○皆逡巡首服而去○婺源有爭山之訟○闢  
殺不解○公封山著禁○有鑿石鎔灰者○罰無赦○訟頓息  
開江灣金竺嶺○以避芙蓉五嶺之險○丞徒謳歌呼為  
譚公嶺○樂城荒祲○民逋盜發○公給買官牛○躬督墾闢  
鑿井灌溉○履畝耨穫○流亡復歸○盜賊衰止○樂驛支入  
省○公枝柱勢要○爬搔假冒○中貴人沿途繹騷○抵樂戒  
儻從曰○勿犯此強項令也○在兵部抗論○因路出師必

賤聞者咸縮頸○既而○白服督閩學甲乙殿最凜如神  
明○不發私書○事竣○以次遞傳原函歸之○兩人詰曰○來  
一封去兩封○以為不信○視郵筒○公性沈毅○能剝割大  
事糾紛○變故應手○立斷○南中驟更錢法○日中罷市○衆  
洶洶○公勅職方選卒○持白梃列炬而出○縛首惡數人  
傳呼與大杖一頓而散○福藩之國○詔需馬快船五百  
艘○船尚艤通灣○待其歸○修艤復待水涸冰堅○必不能  
赴○而來春之國○無期○司馬俸屋咄咄計無所出○公建  
議急檄止通灣船○勿動遣官就彼修艤○不旬月報完

大典遂竣為監軍時西兵闕于登淮兵謀于萊和門  
書扁邑屋洵駭公傳箭禁戢捕獲其戎首衆少定又  
謂登城斗大聚卒四萬月費一萬五千餘金軍無見  
報器呼問作即少定亦隔日瘳耳欲保登萊非散兵  
不可乃建議請于朝得旨允行民賴以安島帥毛文  
龍自詭能搗巢制敵多滅遼人首以當級或毒遼人  
之舌購譯者指為俘公廉得之繫密室與飲食旬日  
舌藥甦能自言被俘狀覈實而縱之海外俘級日侈  
交關逆奄魏忠賢張大其事覬覦封爵公堅持之弗

與勘覆島帥構內旨得舉刺文吏造蜚語中管餉同  
知翟棟緹騎突至械翟于公庭公嘆曰以我故累廉  
吏而不能救何以生為憤懣不食嘔血數升頻致羸  
疾卒以不起公為人疏通樂易朴誠簡澹與人語傾  
倒輸寫端居深坐焚香讀書其中湛如也通籍二十  
五年先世薄田敞廬一無所增益朝鮮李侖弑其主  
介島帥携重賂以請于朝故事使舟從登上公斥而  
拒之乃迂道由天津卒之日床頭文籍封識宛然箱  
篋空虛不加鎖鑰舍斂時如道傍僧舍士庶縱觀街

號巷哭靡不嘖嘖稱真廉吏云子貞默號掃菴戊辰  
進士著書立說品重儒林次貞良號元孩以五經中  
癸未進士與予交亦博雅君子也

論曰譚太僕當逆奄陽張之際而能直道忤奸挺立  
不撓且料敵決算人頌如神非中有主能若是乎乃  
績在邊徼德垂士庶所至有清白聲庶幾隨車之甘  
雨矣嗚呼以予觀于吳風日下鄉縉紳鮮不高堂大  
厦青衣填門者孰謂習俗多人賢者不能自振也乃  
薄田微廬一無增益寧不可以風墨吏哉

孫別駕傳

公諱朝宁字天樞號賓瀾嘉善人父嵩有隱德壽登  
百歲公幼穎慧稱神童年十三補諸生偕兄孝廉朝  
宗鍵戶讀書試高等餼於庠於書無所不讀尤工書  
法所為詩歌古文詞妙絕天下膺恩選首對大廷北  
闡兩中副車竟艱一第公笑曰丈夫貴自豎立耳豈  
以兩榜重哉謁選得廣東通判有清慎聲署篆  
清遠於常例若官價羨餘掣鹽諸類拒不納邑善訟  
市井梟魁度理不能勝輒教鄉里民服斷腸草誣之

所至破家。公下車巖反坐之。條刀風頓革。有兄弟讐  
構十年不息。公取其詞裂之。諭以一體至義。咸愧悔。  
歡好如初。又豪貴子某挾勢飛文。道路以目。公廉得  
其狀。置之法。值大水流。殍如陵。飢民棲樹杪。枵腹待  
命。公駕小舟往來風浪中。發廩煎糜。因民所止。散之。  
全活數萬。既復亢旱。步禱甘霖。頓沛。立義倉。給牛種。  
平道路。葺黌宮。恤囚犯。善政備舉。人稱召父。去之日。  
攀號追送者。道路爲塞。撫按薦於朝。推陞肇慶同知。  
遂拂衣致仕歸里。公生平以氣節名。義爲已任。少時  
赴試燕都。寓有艷婦。午夜挑公公。爲峻拒。旦托別辭。  
以遷路拾遺金。稽程五日。密跡其人。還之。性至孝。父  
病侍藥不離側。居喪哀毀骨立。三年如一日。嘗許買  
米二百石於賈人某。所入價止十之一。踰約不至。驟  
霍。兩價騰踴。溢其半。賈至。逡巡不敢言。前約。公曰。許  
子者。吾心也。我肯負我心哉。毋庸益。又讓侵地之隣。  
辭應獲之產。典衣飾以完故人之婚。代贖鍰以甦垂  
絕之命。遠近數十里。掩骼施梁。賜續。賜幕。皆於公取。  
如寄。或有知交當道。邀之往。不赴。與人交中。不留語。



原件短缺

P11

或言及閨闈事則轉面對壁蓋其端重莊厚類如此  
所著有鴻範堂集皇明論贊諸書行世東粵祀名宦  
郡邑崇祀鄉賢子纘祖貢生博學好修諸孫允亨中  
進士與弟允登皆有文名

論曰先生所謂敬以直內義以方外者耶蓋其清衷  
篤行于裋躬服物之道備矣以彼通才金門玉署固  
宜芥視而格止明經位僅別駕豈報施之道或爽歟  
不知天之所厚若故遲之來春之卉必蓓蕾於玄冬  
既死之魄乃圓滿於望夕天道固然彼一發而盡者  
豈天所以待先生哉厥子若孫繩繩振振公之自謂  
得天者厚洵不誣矣



徐司馬傳

公諱從治字仲華浙江海鹽人也。母黃氏夢金甲神執干舞中庭寤而生。公萬曆癸卯領鄉薦。丁未舉進士。知安慶桐城縣。勾稽畝稅。平亭獄訟。暮年而大治。歲大水。乘船破浪。軒頃巨浸中。相度捍禦。灑沉賑饑。全活無筭。水退。按行圩岸。築堤八萬七千餘丈。晝夜雜作。土寶石堅。水不復爲害。居官強直。不善事御史。外計當量移。自請改武學教授。轉國子助教。遷南京禮部主事。至郎中。出知山東濟南府。舉治郡卓異。賜

金錫宴升山東按察司副使分守兗東而白蓮賊之  
變作公受命監軍韞刀策馬亂漲河衝黑雨夜半入  
兗城賊塞路要遮弗顧也大軍將攻鄒公語大將楊  
肇基曰兵法攻城爲下賊精銳聚紀城夏店踞鄒滕  
之中吾擊其首尾中必兩救不如擣其中堅中堅破  
則兩城皆瑕矣分一師佯攻鄒大將從問道疾趨攻  
嶧賊恇擾焚其營寨奔滕我軍圍鄒未下公曰師老  
矣頓兵城下無益不如分兵勦滕斷其右臂使不得  
相救賊可立破也乃率三將簡驍勇直搗滕城賊奔  
城退保兩伏山遂以輕騎躡擊之而逸者勿追伏山  
之賊旣盡於是亟攻鄒鑿城通道賊泥首乞降擒賊  
首徐鴻儒獻捷赦脅從四萬六千有奇在行間六月  
勞不解甲倦不支枕計殲妖之伐公功居多陞布政  
司右叅政分巡濟南敘功加右布政使督漕江南會  
蓮妖再發東撫王惟儉謂非公不能辦賊題畱守沂  
按臣力主撫與公異議遂請告歸養復中外計量移  
卽家起薊州兵備尋加左布政使薊門軍索餉圍撫  
院於遵化公單騎馳入陰部署夷丁標兵分營四門

按○兵○不○動○登○城○而○呼○曰○給○三○月○糧○趣○歸○守○信○地○否○將○  
擊○汝○衆○聲○應○如○雷○轟○然○而○散○其○能○應○變○如○此○尋○移○病○  
歸○里○辛○未○起○山○東○武○德○道○兵○備○及○淮○而○山○東○潰○卒○叛○  
攻○陷○濟○南○六○邑○倍○道○宵○征○赴○監○軍○道○之○命○於○萊○無○何○  
拜○都○察○院○右○副○都○御○史○巡○撫○山○東○二○月○朔○與○萊○撫○謝○  
璉○同○日○受○事○卽○日○賊○已○抵○城○下○自○二○月○四○日○至○於○四○  
月○肉○薄○環○攻○不○舍○晝○夜○礮○石○星○流○飛○矢○雨○射○城○中○蒙○  
頸○而○炊○負○戶○而○汲○公○意○氣○自○若○激○厲○將○士○撫○循○殘○傷○  
我○伏○鎗○砲○瀆○其○上○而○擊○之○敵○乘○高○臺○瞰○我○自○一○臺○至○  
三○四○臺○我○縱○機○火○焚○其○臺○而○墮○之○敵○掘○地○道○穴○我○深○  
可○旋○馬○自○一○洞○至○數○十○洞○旋○隧○響○穿○城○隅○逆○塌○幾○陷○  
者○數○矣○我○用○穴○塹○寘○壺○焚○穢○縱○火○之○法○薰○尸○滿○窟○敵○  
死○無○筭○又○與○總○戎○楊○御○蕃○游○擊○彭○有○謨○選○擇○死○士○懸○  
門○突○擊○後○先○搏○戰○殺○敵○數○千○人○贊○畫○主○事○張○國○臣○奉○  
撫○議○以○出○援○兵○皆○畏○敵○左○次○主○者○亦○聽○之○以○爲○撫○成○  
則○萊○圍○自○解○三○月○初○國○臣○遣○使○爲○賊○求○撫○公○嚼○齒○大○  
罵○安○得○尚○方○劍○斬○此○大○奸○細○乎○乃○抗○疏○白○國○臣○倡○和○

緩師將如孫元化斷送登城故事臣死當爲厲鬼殺賊斷不敢以撫之一字面謾至尊淆亂國是送封疆而戕生靈以至一誤再誤疏入中朝皆不以爲然敵益弃疾於我四月十六日架元化所遺西洋大礮攢擊城西南隅勢甚厲公方簡閱丁壯指麾出戰左右請少避之公曰不可語未絕口礮中額身什血臂中萊撫馳而撫之則已絕萊人大臨守陴者皆哭嗚呼傷哉初兵部條上方略曰萊撫守萊東撫駐青謂度公固不必入萊也卽萊失而有奉詔可自解公謂東撫控壓全齊駐青不足繫萊人之心而入萊則可以繫全齊之命委一身於孤城示全齊以必死而劫之不得不救且使敵聚銳合圍累旬浹月慮我師綴其後必不敢豕突狼奔長驅它犯待其力盡不拔師老形變解圍之後我以全力蹙登一鼓可拔公之意遠矣柳子厚論睢陽事曰俾其盡力於東南而去備乎西北力保於淮而功靖乎醜類公斯舉之謂乎公旣死朝廷贈公兵部尚書蔭一子錦衣衛百戶世襲予祭葬賜祠額曰忠烈

論曰人知公以死守萊爲功不知以死拒撫尤爲功也方敵以撫謾登以撫謾萊且以撫謾中朝而獨不能謾公至公死之後馴至于侮明詔戕命使而萊卒堅守不下則公持之矣且登之撫疆吏主之萊之撫中朝主之以死拒敵之求撫易以必死拒中朝之主撫難公真社稷臣哉

田太常傳

公諱景猷字觀野貴州思南人也貴僻在萬里上皆世官士以文墨登甲第者三歲不一二人公少時遼左兵起每有與公言疆事者輒願以身許國會貴酋安邦彥反督撫以狀上聞公念黔爲父母邦安氏世擁強兵戎心叵測將流毒一方遂上疏願奉天子威德宣諭之令去逆効順朝草疏而夕報可于是超拜兵部職方郎往監黔軍輦上旣壯公英風亦往

往有目爲少年喜事者。公聞益自負。誓不與此賊俱。存炎鞍。獨往露劍。長驅水陸。晨昏霆馳。電走未幾。卽達賊所。遂單騎入賊軍。賊素懼公名。聞其至。倉皇失色。百計欲得公心。每案列金珠。席羅珍錯。以奉公。公終不爲動。獨念事不可激。激則變生。始含怒。以乘機。志在入虎穴。得虎子耳。淹賊所。且二年。賊亦計無復之命。一使忽作危語。君不慕貴。豈不惜死。語未終。公拔劍亟起。擊使使逸去。不得中。公因至賊營。厲聲曰。聖明未曾負汝。何難滅汝。朝食所惜者。一人。熾禍萬姓。何辜。故特命我諭汝。汝終不悔禍。族且赤。我復何云。賊始信公必不可屈。而心益悸。復禮公如初中丞。王公三善初至。軍聲大振。王公素負膽勇。旣解會城之圍。賊頗寒心。公聞而有喜色。賊偶窺之。疑公意可移。將出軍。遂拜公爲先鋒。公奮然曰。此吾報國日乎。取間單騎馳至我軍。疾傳密計。仍馳混賊營。我軍旣悉賊虛實。踴躍進討。無一不當。百摧堅破銳。鼓向無前。賊墮計中。艸木皆兵。人各奔命。匿入險窟。束手待擒。王公志在滅此朝食。甲不暇捲。乘勢剽巢。有謂窮

寇勿追。宜堅壁四圍。賊將作釜中魚。王公不聽。賊所  
居皆深林密箐。且知法在不赦。各出死力。相當我兵。  
既昧地利。又忌王公功者。頓兵不進。救援俱絕。賊合  
衆寨襲之。我軍不能支。王公倉卒遇害。公四顧失望。  
乃下馬嘆曰。臣不能報陛下死。有餘憾矣。遂從容就  
死。事聞。上愍其忠。贈太常寺卿。子廕。公死時。母尚  
在。賴配楊氏。有丈夫風。李大生。吏部傳其事。忠孝節  
義並萃一門云。  
論曰。英雄固可以成敗論乎。公兩載深謀。乘時奏捷。  
詎料輕師致敗。亂軍相踐。骨碎沙場。功垂成而偶墜。  
計已就而俄傾。天耶。人耶。然至是而謂公少年喜事  
者。無所施面目矣。誰謂公死不幸哉。

張烈愍傳

附劉希文等

公諱振德字季脩直隸崑山人也幼岐嶷莊重不苟  
 言笑甫五歲父應忠口授出師表讀至鞠躬盡瘁句  
 卽廢書泣下長爲諸生有名讀唐書張巡許遠傳輒  
 擊案曰罵賊而死尚污賊又我願豈容賊斫耶其忠  
 孝性生慷慨激烈如此迨舉鄉貢授徒糊口敝廬不  
 蔽風雨十年一破繒針紉之痕紛如纈綉也萬曆丙  
 辰謁選授蜀興文縣令縣故九絲蠻地四面皆夷叛  
 服不常脩禦全闕公至卽預籌桑土條陳防守事宜



會議格不行。所興除。以百計。飲冰茹蘖。至不能具。饗  
○飧○累○署○劇○邑○民○皆○尸○祝○天○啓○辛○酉○秋○公○方○供○事○蜀○關  
○而○奢○酋○之○變○作○一○時○州○縣○咸○鼠○竄○與○文○弓○兵○不○滿○數  
○名○土○墉○不○踰○三○尺○人○情○洶○洶○公○九○月○十○六○夜○半○還○邑  
○卽○出○示○禁○民○遷○徙○以○定○人○心○調○取○屬○縣○夷○丁○守○城○皆  
○應○募○援○遼○僅○存○老○弱○縣○尉○劉○永○澤○問○將○若○之○何○公○曰  
○督○率○吏○民○乘○城○死○守○事○不○可○爲○吾○行○吾○志○而○已○二○十  
○一○日○長○寧○簿○徐○大○禮○以○騎○從○來○迎○眷○屬○避○兵○公○笑○曰  
○二○邑○皆○吾○守○也○却○之○時○公○益○署○長○寧○篆○云○抵○暮○飲○數

旣而寢意氣如常。晨興簡篋中得白金一兩。有奇。授  
○次○子○緄○曰○振○德○邊○令○五○年○千○辛○萬○苦○上○不○得○罪○於○天  
○地○朝○廷○祖○宗○下○不○得○罪○於○百○姓○今○欲○守○而○無○可○守○之  
○人○欲○戰○而○無○可○戰○之○具○惟○有○手○持○兩○印○以○身○殉○國○而  
○已○二○兒○若○幸○得○全○惟○爲○善○以○畢○吾○未○了○之○志○他○無○所  
○囑○書○畢○左○右○皆○哭○失○聲○公○晏○然○言○笑○自○如○復○謂○緄○曰  
○吾○生○平○讀○史○至○千○古○難○平○事○絕○代○有○心○人○未○嘗○不○爲  
○歔○歔○流○涕○而○此○非○予○洒○淚○時○也○讀○聖○賢○書○所○學○何○事  
○臣○爲○君○死○復○何○恨○汝○母○與○嫂○及○妹○皆○自○分○一○死○汝○當

歸語汝兄共圖樹立以報君親母負我忠義家聲可也公自是出入吉服刻刻自辦一死矣二十三日昧爽賊騎數千環薄城下公手劍跨馬率弓快數十人開門出戰衆寡不敵退入城中集男女及家人登陴捍禦矢盡力竭公猶手發大礮擊殺賊以百計會天大風雨山城摧裂賊衆擁入公聞變痛哭厲衆巷戰死傷殆盡疾馳入署左手持兩印右手秉七首正色危坐廳事令夫人以下人持一利刃環坐後堂積薪坐側曰君子死冠不免急繫長纓於項下未幾有鎮

維府叛生唐華岸慰曰無恐公怒曰丈夫從容就義夫何恐日暮賊縱火焚民舍公曰此臣子授命時矣起望關叩頭曰臣生不能爲陛下殺賊惟有一死明志耳令家人舉火遂同夫人錢氏及女淑安淑慶俱自刎投火中僕婦蘓氏沈氏長幼同焚死者九人家

人顛美嚴榮皆巷戰陣歿明日賊首至火所見公鬚髯怒張面色如生兩印在手血漬模糊堅不可取皆愕然稱爲忠臣羅拜而去士民葬公于縣南天壇山王戌贈光祿寺卿給祭葬建坊立祠廕子錦衣千戶

妻女補祠顧美寺卹給有差是時先後殉難者教諭  
劉公希文華容人貢生署篆甫半載賊復至公誓死  
不去妻白氏亦慷慨有丈夫風從容語公曰若爲城  
死子安得不爲若死乃盡遺其家衆夫婦同罵賊不  
屈死之又有長寧主簿徐大禮一家四口服毒而死  
南溪知縣王碩輔守城禦寇力屈而死灌縣知縣左  
重督兵援省與賊對陣而死桐梓知縣洪維翰破城  
奪印不屈而死遵義推官馮鳳雛不避艱險親入虎  
窟復城據守勞苦萬狀亡何羣酋夾攻鳳雛挺身罵

賊被殺二鎗而死威遠經歷袁一仙遵義司獄蘓操  
義不從賊墜城而死大足主簿張志譽典史宋應臯  
集兵陣于西壇與賊戰四晝夜詎叛賊葉省祭添兵  
夾攻志譽應臯並家丁張成俱殺死合州鄉官原任  
鞏昌同知董盡倫率衆殺賊進入榆城伏兵四起爲  
賊暗刺永寧鄉官原任松潘道叅政李忠臣密約同  
志歃血擒賊諜料謀泄賊衆入宅忠臣不屈伏劍自  
刎瀘州鄉官原任應天通判高光削髮作偈有曰君  
父謹尊削髮自盟臣子守定留鬚爲證與子生員高

在崑募兵復城殺賊百人酋恨追殺至大葉壩光罵賊不屈與家丁十二人同遇害永寧舉人胡縝集兵截賊被羈囚獄縝復設計脫窅倡義招降二萬餘人結賊心腹為內應不意營中延燒火藥焚死其當賊據重慶則巡撫徐可求百刃臨頭罵賊遇害巡道孫好古駱自升相對從容公署自經諸將王守忠義不就擒李繼周領兵出圍聞變回援甘心祖受一死靡他重慶知府章文炳循良茂著就死之日百姓以身翼之者數圍逆酋尚有悔殺廉吏之官他若推官王

三宅郭象儀楊愈懋同知王世科熊嗣先知縣段高選訓導趙燧典史吳應元縣丞蕭美葛盛德總兵黃守魁叅將萬金守備劉自靖孫世侯毛民望遊擊李縉指揮王登爵韓應泰崔英李世勛李承宗鎮撫郁聯若干總王成龍千戶鄭應欽百戶范之偉張羽汪起蛟俱戰死

論曰予觀人死生之際未有不能殺人而能自殺者能殺人自殺而或不能殺其妻子始知人愛妻子之心甚于自愛其身今烈愍公全家赴火視死如歸卒

至僕妾賤人不污賊手而學博諸君相繼就義豈非  
忠義之氣有以風之乎嗚呼烈哉

姬太僕傳

附魏顯焯

公諱文胤字士昌陝西華州人也萬曆癸卯舉於鄉  
六上春官不第壬戌以祿養謁選得滕縣令五月甫  
抵任奔走叅謁未遑視事居三日而白蓮賊倡亂聚  
攻滕當是時滕民什九從賊公徒步叫號從兵登陴  
不滿三百人比賊至才數十人耳問民何以從賊曰  
禍繇董二董二者延綏巡撫某之子也公登城呼賊  
告之曰若等皆吾民以董二故挺而走險吾執董二  
窮治其罪以伸若冤而赦若等其可乎公長身赤面

鬚髯奮張兩門牙如施丹獲乘墉大呼聲殷殷動樓  
櫓賊望見以爲神人謹呼羅拜俄而箭發於西隅二  
賊斃焉視之則延綏沙柳箛也賊憤盈肉薄而上遂  
不可禦公緋衣坐堂上嚼齒罵賊賊前搏公裂其冠  
裳以銀鎗鎖之公大罵胡不速殺我賊顧不忍越三  
日不食賊勸之食不可勸之去又不可爲詩八章書  
於屋壁以縣印遺狀付門子魏顯炤值守務非向再  
拜自縊而死顯炤乞棺於賊不許乞布裹屍許之遂  
瘞于官署之池側賊考掠顯炤索印顯炤以印予父  
國臣以遺狀予妻之夕高登士及守務反而罵賊死  
之月賊平公父收屍反葬蓋六月而後殮撫臣趙  
彥上其事詔贈太僕寺少卿有司立廟春秋祭祀給  
其父母誥命蔭子琨入監并錄顯炤守務復其家而  
董二者城陷遁去其後卒以賄免  
論曰公以視事三日之官守巷無居人之邑率數十  
子遺之民抗數萬方張之寇城之未陷可去弗去賊  
之勸行可走弗走公自處審矣將明示天下無破城  
不死之縣令無陷賊不死之臣子耳嗚呼使世盡如

公何至厥角稽首二百州哉

龔遊擊傳

附李世勳

公諱萬祿黔人也。目不識丁而姿貌魁偉。有膽智識度。膂力過人。初以材官驟張。從劉大將軍。挺征播州。先登海龍。坐爲諸夷所憚。授名邑守。脩提調蜀之建武營。觀察使陳公禹謨奇其材。厚遇之。六縣巨盜悉以委公。公購得綠林傑黠者數人。使之轉相勾捕。無得逸者。久之。群盜盡入兵籍。公推誠撫之。如子弟。南徼無盜。有兵自公始也。然徃徃爲儕偶所忌。輒有藪盜聲。邊丞李公弘讓初不相知。頗示挫抑。公服其清。

不爲怨。後李客死。公領假子數輩三千餘里護其喪。歸秦人多義之。天啓壬戌。天下大徵兵。援遼。公以偶病得雷蘭酋奢崇明反。建去其巢。不二百里。父老聚族而謀。擁公署遊擊將軍。事掌所指揮。李世勛舊踞公上。至是受公節制。相與戮力。畫策爲固守計。旬日集兵二萬。其不能兵者輸饟。有差。旗鼓一新。遂成重鎮。酋惡欲出。成都。不意而內忌公。乃遣漢目張令說公降。令亦有心人。雅欲自拔。對公慷慨陳志。愿合力。高賊公恐其給已也。姑嘗之。曰。蘭勢如此。全蜀已在。

掌中稍異。同如燎毛耳。不降。何待。令亦知其僞也。反。覆明其無他。請以三物。詛盟。公從之。謬爲降書。附令去。已而酋果遣長官黃光昇鎮建武。公又脅降之。先後誘殺賊無算。忽微服走叙州。密請于兵道徐某。曰。酋之精騎盡在會城。其蓄巢者不過老弱。及守宮備耳。夷性多內顧。誠聽萬祿。率二萬人。搗其巢。以搖之。成都圍可立解。兩酋命且旦夕盡矣。徐竒其策。且檄別將分道犄角。客有告徐者。云。此險道。賊無所歸。將據內地。爲禍方長。徐入其說。乃不果聽。無何賊自成。



都潰歸。晝夜馳三百里。鎧伏布地。腫浮于股。公再上  
乘。敝搗巢之策。復不納。于是賊得收散亡。乞隣援。逞  
志川南。旣陷長寧。悉全師攻建武。公念賊勢方熾。建  
武糧援兩乏。非嬰城之屬。遂揮衆邀擊于十餘里外。  
時有斬賊。竟以衆寡不敵。而敗。世勛見城陷。遂具冠  
服。東向再拜。用所遺火藥。自焚死。公手刃兩妾。兩孫  
復自刎不死。乃擁稍馳出。大叫曰。我龔萬祿也。能相  
逼者。聽賊讐。賊指竟不敢逼。至叙州。身無完衣。士  
庶擁馬首。勞公者。如堵爭。携牛酒解裘褐。御公。雖菜

傭寒。峻皆割刀。錐劾殷勤。是時巡撫朱燮元已涖叙。  
公乘來福渡之捷。唾掌而復建武。然屢策不用。快快  
有病色矣。會有江門之戰。盧世卿持將令逼公入耳。  
記山策應。江門敗。世卿等皆遁。賊四面環攻。公力戰  
三日。不可脫手。刃數賊而死。子崇學亦戰死。公威名  
久著。獠夷畏憚。奢崇明旣克建武。旋向鎮雄。借兵鎮  
雄人首訊龔萬祿死否。賊曰。走矣。鎮雄人曰。萬祿猶  
在爾家。切勿作別樣想。頭死之日。三軍奪氣如失。一  
長城云。當事上其狀于朝。贈公游擊。世襲百戶。子亦

世襲百戶

論曰昔魏圍趙邯鄲田忌救趙孫子教以直走大梁卒能敝魏唐太宗圍王世克竇建德出兵虎牢救之凌敬謂當渡河窺太原以播河東建德不用其言卒就擒戮公之告徐憲使與孫凌同蓋形禁勢格批亢搗虛此固兵法人自不識耳予悲夫擁旄節仗黃鉞者田忌少而建德多令負竒如公徒以一劍殉沙塲故特著之不徒重公死事也

王巡撫傳

附梁思恭等

公諱三善字彭伯河南永城人也少倜儻負大略才氣無雙舉萬曆丁酉鄉試辛丑登進士筮仕荊州府司理荆爲三楚劇郡又朱邸貴人與天潢之無賴者橫行閭里莫敢誰何公一切繩以柱後惠文于是風采茂著選入爲吏部郎銓曹羶地畏途入其署者編籬樹棘拱默自尊外示清慎內實以固位握權需次侯卿貳公獨慷慨發舒觀時事有所激數上疏力爭與臺省抗辨不少蓄縮遂以此賈忌觸嫌引疾歸

卧○庚○申○起○太○常○少○卿○辛○酉○黔○事○孔○棘○遂○命○公○以○右○僉  
都○御○史○巡○撫○貴○州○或○疑○忌○公○者○欲○置○公○危○地○公○不○恤  
也○時○蘭○酋○既○叛○水○西○安○邦○彥○起○而○應○之○挾○安○位○爲○名  
聚○衆○十○萬○以○壬○戌○春○圖○貴○陽○且○十○月○舊○撫○李○標○巡○按  
史○永○安○嬰○城○固○守○永○安○與○諸○將○盟○作○飲○血○歌○見○志○城  
中○無○一○歲○之○儲○掘○艸○根○煮○鼓○甲○俱○盡○至○食○人○而○援○師  
卒○不○至○公○受○命○星○馳○且○乞○師○楚○蜀○犄○角○並○進○至○冬○十  
一○月○寂○無○應○者○公○乃○召○諸○將○諭○曰○外○兵○不○能○來○矣○貴  
陽○陷○在○旦○夕○吾○輩○失○黔○則○死○法○進○援○則○死○敵○等○死○耳○

奈何不以忠義自奮于是令道臣何天麟督兵七千  
從○清○水○江○進○爲○右○部○道○臣○楊○世○賞○督○兵○萬○餘○從○都○甸  
進○爲○左○部○而○自○與○道○臣○向○日○升○將○二○萬○從○中○路○進○當  
賊○鋒○人○有○議○臘○月○不○興○師○者○公○叱○去○之○兼○程○而○前○中  
途○一○夕○忽○合○營○大○驚○報○賊○至○競○議○退○兵○公○曰○退○則○糞  
粉○耳○吾○請○以○身○捍○之○按○兵○不○動○卒○無○賊○蓋○奸○細○訛○言  
也○至○龍○頭○營○遇○賊○命○劉○超○爲○前○鋒○擊○之○賊○首○阿○成○最  
驍○勇○超○與○步○兵○張○良○俊○直○前○斬○其○首○賊○遂○披○靡○公○統  
兵○繼○至○大○呼○齊○進○奪○龍○里○城○衆○議○此○地○去○省○會○四○十

里賊必有大兵堵截。請量而後進。公曰：此行累數日，糧爲必死計，不能持久。吾初至，賊不知我虛實，宜亟擊，勿失策。馬先驅，衆乃繼之。賊見公自將，疑有大兵，又錯愕，出不意，亡散奔走。所棄輜重器械，山積。遂乘勝抵貴陽城下。時壬戌正月也。城中慶更生者，歡聲如雷。撫按府道迎公入城。公不可，曰：賊去未遠，兵心未定，吾爲主帥，豈敢卽安？遂營于南門外坡上，設帳。大雪中，賊聞始遠遁。陸廣、河外且走。漢日羅希祿等上訟寃書。公念國家東西交急，恐師老財匱，將以其

事上聞，請開一面網，而總督楊述中巡按侯恂不可。于是諸羅絕意，內向公。始主進勦，且決意自將。以閏十月聚兵六萬，渡烏江，禡祭次第發。十一日，次黑石。賊來逆，敗之。斬卻將覃弘化，令于軍以其盤桓不進也。十九日，賊悉衆至。始出十數騎，憑東嶺瞰諸壘。公下令不俟中營礮聲而出者，斬。諸營相戒，不敢發。而賊離離漸下。平蕪間，躍馬舞稍，傍若無人。我兵從柵內窺之，皆嚙掌磨牙，以求一當。已聞礮聲，皆肉薄而前。賊遂辟易，匍匐緣崖以遁。翹首東峯，盡漢幟矣。是

日斬獲三倍黑石二十三日賊復至其迫壘如前敗亦如前嗣是賊知索戰不利乃柵漆山自固欲久住以老我師時宿春將盡賊日以遊騎伺我樵採衆其苦之人心動搖訛言四起二十五日諸道將集公壘門議退鎮南關觀變公厲聲曰邇日軍情吾知之今有三策聽爾曹自擇一則斬吾首詣賊降二則焚營而遁遁亦斬吾首懸之西峰頂上示無退志三則惟有力戰耳諸將心動多泣下者齊聲曰吾爲公死公下令選鋒立懸萬金之賞二十七日昧旦諸軍鱗次

向漆山公朱衣戎冠羽蓋肩輿至將士望之咸有欣色公曰爾輩知吾衣冠意乎爾輩若潰此卽吾致身處矣顧左山頗峻麾左路軍據其顛而中右二路輕重布之賊不意我兵迫其營倉皇起柵而下以精銳來爭左山相拒移時勝負未決俄而左營定番卒龔鼎發勁弩仆一賊目嘩微動鼎揮長刀直前鋒士十餘軍繼之兩軍堵塙而進賊大敗賈墜死者無筭少頃烟焰蔽天我兵已焚賊營矣自公出師此爲第一捷逆彥狼狽几不能騎明日公盡萬金頒賞卽下令

亟趨大方。次草子孔。復敗賊。斬獲千餘。大約與溱山之捷等。賊從此不復能軍。我兵遂安行。渡渭河。降者漸至。始知三日前。賊從騾馬堰。捐金犒師。一噪而散。蓋漢人爲田進士景猷所結。有陰附心也。十一月十九日。入大方。大方嶮遠。阻絕。爲安夷千年窟穴。前此漢兵未有至者。公駐宣慰宅。與安位出降。因執位索彥。而事機不偶。制府忌公。獨擅大功。多方撓敗。公欲合蜀力圖賊。因往約蜀帥李某。某復以無糧辭。往返遷延。萬山崎嶇。轉輸不至。不得已。拔營歸。甲子正月初

三。發大方。焚宣慰宅。火光燭天。數十里外可望。而師期且洩。賊已潛趨。問道邀我矣。公且行且戰。時有斬獲。初九日。次內庄。明日移營。公爲後殿。諸軍俱前。惟後軍爲賊所斷。公督諸軍還救之。我兵忽薄于賊。奔走四散。公猶厲聲呵止。賊騎已風雨至。道將皆鼠竄。公遂以馬躓遇害。時甲子正月初十日也。公留心經濟。自其家居時。江湖之俠。屠釣之豪。翹關奮戟。擊筑探丸之客。皆收貯夾袋。後多得其死力。援黔時。得邸報。不肯發。封識宛然。舊撫李樞問故。公曰。吾正辦兵。

事何暇及此。且朝議戰守紛紜，每苦聚訟觀之，徒亂人意耳。其堅決如此，從公而死者，同知梁思泰、方明棟、進上田景猷、知縣萬應奎、捕官楊思炎、知縣龍諸將王達、陳濟民、李邦、王建中、王得勝、董兆舜、秦明屏、藍補袞、陳我謀、田有龍、耿良、張要、宗延齡、尤正國、周國用、聶應德、馬武、單天胤、李紹宗、譚事君、劉象民、羅承富、曹思敬、黃中和、劉應龍、陳富、余報國、張俸、楊鯨、羅袍、羅承寵、劉仲時、楊通、張懷邦等，而監軍道岳具仰爲賊所留，奢啓輝、館穀之，欲爲乞撫地。闕

月窺賊中，弛備走蠟書，通秘計于蜀，爲賊日補高與逆彥所殺。先是公解貴陽圍，又宅溪之戰，擒賊翼宋萬化，何中蔚獻俘闕下。已晉兵部侍郎，至是督臣以狀聞，且爲請卹。科臣疑公貪功失律，僅炤袁公應泰例，贈兵部尚書，廕一子錦衣世千戶，而不予謚。士論痛之。

論曰：公以一旅解十萬之重圍，八捷破千年之天險，如疾霆之震朽木，輕舟之下安瀾，功亦烈矣。雖伏波馬革血染，啼鵲然不數年，伏莽就禽，腥膻迅掃，秋毫

皆○奉○公○餘○威○也○且○貴○竹○之○守○幾○于○羅○雀○掘○鼠○公○遂○巡  
不○至○則○無○黔○無○黔○則○無○蜀○西○南○一○片○地○剩○水○殘○山○遺  
黎○故○壘○何○一○非○公○矛○炊○劍○浙○星○往○霜○眠○所○收○拾○况○觀  
變○則○譏○其○逗○逼○直○前○又○議○其○輕○進○然○則○仗○鉞○臨○戎○豈  
復○有○逃○死○地○耶○至○比○公○于○袁○司○馬○尤○相○莛○楹○夫○身○失  
遼○而○甘○同○其○亡○與○身○復○黔○而○獨○蒙○其○禍○三○尺○童○子○能  
辨○之○吾○于○是○知○甘○陵○南○北○部○之○釁○深○于○疆○塲○而○含○沙  
之○筆○雖○魚○腸○鬼○矢○不○啻○也○挽○捨○不○掃○社○稷○爲○墟○豈○異  
人○罪○哉

王遵義傳

公諱佐聖字克仲南直長洲人也弱冠登壬子賢書  
入山下帷未嘗一問戶外事惟以文章名節自礪崇  
禎 謁選人得青溪廣文鼎新聖廟鼓舞英雋人  
文燁然改觀中丞張國維首薦公于朝辛巳擢令蜀  
遵義其地古夜郎西爨楊酋世據爲窟穴 神宗二  
十八年逆酋楊應龍稱兵犯順旣平悉取其地郡縣  
之始隸天朝版畜戎索雖更夷風未殄報至或勸公  
無往公曰普天率土何地不可自効幼讀孔明傳鞠



躬盡瘁。歿而後已。懷之久矣。遂叱馭往。旣蒞任。清勤  
慈惠。凡庾藏積弊。左右巨蠹。一切釐正。斥逐不遺餘  
力。渭水以西。苗夷慕化。稽顙効順者。不可勝計。甫一  
月。政治畢舉。乃單車涉嶽。遍觀山川形勢。見孤城斗  
絕。四面皆夷。雉堞傾欹。峭崖錯布。抵水西安。酋蘭酋  
大方谷里等。巢僅二十里。惟地名新站者。山勢險隘。  
前臨渭水。爲群夷入犯所必經。遂倣張仁愿築受降  
城。意躬先畚鍤。創立新城。以扼夷吭。萬民踴躍。不旬  
月。屹成雄鎮。公抵掌攬轡。謂厥功一建。寇至則遏。其  
衝突深入。則絕其歸路。若越此而窺府治。當使隻輪  
不返。于是招流亡。散牛種。開邊屯。內則嚴保甲。整器  
械。申晝夜巡游之法。嚴堵截捍禦之令。守事粗舉。而  
八月。酋郭士奇。吳尚才。擁衆入寇矣。邊將趙國政  
戰歿。賊遂大肆焚掠。公督率民兵。且守且勦。伏奇兵  
隘口。生擒士奇。尚才。殺賊黨百餘人。喪氣宵遁。公知  
賊且復來。條議守禦十策。上請當事。莫有應者。壬午  
四月。酋帥吳尚賢。龍正國。率叛夷數萬。大舉攻城。公  
躬擐甲胄。親冒矢石。晝夜拒敵。復遣將遍招通邑鄉

勇密授方畧令分兵斷賊歸路顧外援寥遠賊鐵騎  
 四集圍合數重飛梯越城囂聲震地公知事不可為  
 以縣印付子恪命服拜闕危坐公堂須臾賊至公裂  
 眦罵曰汝以遵無備耶我義兵數萬且暮且集賊無  
 噍類矣拔劍擊賊力屈遇害猶僵立不仆未幾所部  
 義民感公遺愛聞變痛哭誓效力戰遵公方畧勒兵  
 新站邀賊歸路盡殲尚賢正國數萬賊于境內竟不  
 出公初料云吳撫黃希憲令春秋祠祭公  
 論曰公以循良兼良將者也再歷期年固圍振武逆  
 酋常不敢北向牧馬矣即不然一發之後所上條議  
 盡見施行亦何至矢盡糧盡使耿恭魏尚委骨于錦  
 官玉壘蠻烟瘴雨之間哉况公歿于前賊殲于後則  
 公倘不歿論功幕府且居然以執訊獲醜膺麟臺雲  
 閣之賞矣嗚呼豈非天乎

王巡撫

趙士實

公名漢初名應駿子子芳萊州掖縣人崇禎一年進  
 士除高平知縣調河內邑大饑公貸萬金易粟于淮  
 徐浮河而至且捐俸減糶煮粥以賑復因以修城垣  
 募壯士巨寇劉二將以正月三日攻濟源濟源告急  
 公伴不應于除夕出賊不意赴之以元旦登天壇山  
 擒劉二乘大雪至山西破妖僧智善夜半渡河破賊  
 楊六郎會李自成攻汴甚急外救弗前公乃率親兵  
 至金龍口柳林諸處以大礮火炬為疑兵遣死士入

賊中聲言宜大及左鎮兵來援各數十萬至矣自成  
驚走圍稍寬當是時公威名動河北公爲人負氣愛  
才人有一長必握手贊歎稱之不容口僚屬紳士有  
能陳民疾苦及言公過者則瞿然下拜麾下有能爲  
公辦一事者經年不忘用兵與士卒同甘苦故人皆  
樂爲之死先後破賊皆縱間謀入賊中賊中舉動無  
不預知賊圍汴不通音問公之死士能達書于巡撫  
高公又盡得闖曹袁諸賊虛實其攻天壇山山陘絕  
數仞遊者或用數人以布牽輓乃登公獨持刀前行

直上人服公勇時賊氛日熾上每臨朝而歎公前後  
破賊功皆奉旨優叙都下推知兵者必曰王子房云  
十五年三月以減俸行取入都與蘇京王燮同召對  
於德政殿稱旨命三臣皆以試御史監軍公監左鎮  
保督湖川鄭兵與督臣侯恂南援汴時兵部奏援勦  
兵十萬以十之四屬二臣而以其六屬公公所監凡  
五萬九千然已潰散大半兵部但以空名使之公乃  
請自立標營兵千人騎二百報可乃簡保營兵百餘  
人募邯鄲鉅鹿壯士三百人又取故治河內所練義

兵及修武濟源素從征勦者五百人及親故子弟合之共千人八月朔夜半襲賊于范家灘斬一紅甲賊目檄諸將合勦公自走襄陽督左良玉兵救汴至潼關而巡方之命下會汴城陷沒公乃督諸將自柳園夜半渡河伏兵西岸檄卜從善等夾攻之斬九十餘級遂入汴太張旗鼓為疑兵追賊至朱仙鎮連戰皆克擢都察院右僉都御史巡撫河南乃廣開謀收土豪議屯田而萊蕪諸生李櫛生以策干軍門謂河南屯田地東則行于西華阻水而守以女媧城為水

寨以東皇為陸寨跨鄆陵通許商水扶溝盡人力可數年不雨而不饑設二正將四都司歲屯六萬頃用助法可養精兵三萬東連渦潁北控梁宋西則太室少室熊耳盤薄深阻內多民寨亦用四都司屯近山之田用貢法養兵三萬以據虎牢其許襄鄭葛亦以四都司屯用助法于禹州駐撫標三萬分一副將駐呂布城南扼山寨北距大河則汴維可以無恐復移河北兩鎮分駐汝州南陽賊犯汝則西華應之舍汝而北則汝鎮尾之西華出奇兵邀之賊犯南陽則禹

州應之。若舍宛而北，則宛鎮逐之。山寨鄉兵晝撓夜劫，俾無所掠，則漸饑漸疲，賊勢必當瓦解。公納其策，復與櫛生謀，聘所知材勇之士，密計以某賊圖某賊，井井有條，間金所布以千計，而劉超難作。超，永城人，中河南武解元，跛而知書，爲貴州總兵，坐罪免。壬午，上疏言兵計，下部中樞陳新甲用爲河南總兵，以私怨殺鄉紳御史魏景琦一家三十餘人，懼罪招納土賊據城謀叛。公疏請討之，奉密旨以策授公，爲兵部。洩之于超，超得爲備。公以十六年正月十九日率兵

抵永城，環而攻之。以二十日四鼓奪其北門，超在東門倚樓爲寨，自保。公見兵大捷，乃單騎入北門，大呼勿殺百姓。天忽雨，兵少却，擁突門下。公爲賊刃所及，參將陳治邦游擊連光耀父子及家人劉璽、張金皆戰死。游擊馬魁復力戰入城，負公尸以出，面如生。以公尸至夏邑，爲之棺殮。河南北士民皆哭失聲。上聞，嗟悼，贈兵部尚書，廕一子錦衣衛百戶。世襲而擒劉超至京師，磔之。奉旨傳首九邊。又有趙錢、唐三公，死事甚著。趙公名士寬，字汝良，號菘斐，以官生爲鳳陽。

府通判駐潁州行法不撓權貴崇禎七年正月賊犯潁公適往壽州一日夜馳三百里歸潁城守甫入而圍合守具咄嗟皆辦已而州之大家先逃城內大擾賊乘以入公赴黑龍潭水死妻崔氏與二女同縊州役從公死者十數人贈光祿寺寺丞錢公名祚徵字君遠號錫吾以舉人歷官至汝州知州汝爲賊出入孔道又有土賊聚至萬人依山爲巢公至則簡鄉勇衛兵得千餘人佯爲城守計忽夜半開門出從間道踰山谷步行抵其巢賊方縱酒不爲備急擊大破之

公策賊衆難盡誅乃釋其俘招之仍令民千家立一寨有警相救賊屢失利其魁魯加勒等遂詣州降汝人少休十四年正月賊犯汝州公中流矢力疾乘城督戰二月四日大風霾城上以礮擊賊風逆火反樓堞盡焚賊乘之入公被執大罵不屈爲賊擊刺無完膚死唐公名啟泰字未詳以舉人官至宜陽知縣十四年賊陷宜陽公不屈遇害三公皆掖人皆官中州因並傳之

論曰王中丞以御史被殺毅然爲國家振紀綱誅亂

逆奮不顧身奉彰天討識者壯之爲劉超者抗衡已  
爲非法輒敢反戈相向此豈耳目經見之事乎余嘗  
論天下事矯枉過正終必有弊其始也慮武弁權輕  
則氣衰而不克振及其偏重也又驕不可制患殆甚  
焉以致各鎮擁重兵與督撫勢不能下輕重既失  
節制不靈而國事因之大壞可勝嘆歎

王副使傳

公名孫蘭字暉仲號雪肝無錫人家世業儒與兄孫  
芝弟孫蕙並有聲庠序間時稱爲王氏三珠公中崇  
禎辛未進士選刑部主事奉勅視江北獄多平反擢  
員外郎出守成都成都煩劇號難治蜀府宗人素驕  
橫魚肉鄉里市人吐譁操白梃逐之且束苴燔其屋  
公立而撫曰宗人撓天子法宜治爾等以小民藝王  
府如三尺何衆斂手聽令居二年丁外艱歸庚辰服  
闋補紹興知府歲大祲設法賑救全活數萬人辛巳



擢廣東南韶兵備副使時猥獲及公誓師湟川進討  
之多斬獲功巡按御史柳寅東疏薦邊才第一張獻  
忠寇湖南長沙衡永所在蹂躪韶境固接壤公聞變  
即為文告城陞謂無韶則無粵吾必以死守乃殫力  
捍禦大聲請兵僅得羸卒七百人復以他警一夜徹  
去連州陷樂昌乳源仁化自潰韶吏民縋而逃手劍  
當門不可止城中空無人公仰天嘆曰事不可為矣  
遂北面再拜冠帶自縊死得年四十五與京立安撫  
江南御史祁彪佳上疏請卹擬謚忠愍南韶士民建

祠祀公子仁瀨仁浹皆諸生負文望吾黨推之

論曰頃見一縉紳論死節事謂須恰好儘有先期而  
徒死者後時而不及死者固屬妙議試觀王公即待  
賊至與城俱殉未為遲也乃毅然寧先毋後者蓋自  
讀書登仕時已辦得一副必死至性彼較量緩急直  
是原不肯死作此解免耳吾見神京之變馬文忠公  
將自裁或傳先帝出亡勸其從容觀變文忠一往  
不顧其同時稍濡忍者一為賊得即欲自引決且不  
能可見死者人之所難未有不健于決成于果而敗

于猶豫者也。而不知者且以爲怯，以爲狂，有是理與。善乎張公亮先生之言曰：可以無死而死，勝于不可以生而生，諒哉。

石太僕傳

附徐可行

公名有恒，號雲岫，黃梅人。父崑玉，舉庚辰進士，立朝有名望。公生而倜儻磊落，氣節非凡。善屬文，試必冠軍。中萬曆己未進士，授遂安知縣。尋調長興，長興傍山爲邑，險劇難治。大盜吳野樵者，葉朗生餘黨也。逃匿長興廣德界，公下令而嚴捕之。羣盜憤甚，遂于甲子元旦入縣放火，公被執，索印索庫銀，俱不可得。挾之而行，不肯離縣門一步。延頸受戮，搜其橐，僅得葛布一疋，俸銀二兩。盜亦相顧驚嘆，稱爲真正清官主。

簿徐可行亦被害。鄉紳丁元薦率地方羣起逐之。野  
樵隨就擒。餘黨竄去。事聞。贈公太僕寺少卿。廕一子  
入監。可行贈湖州通判。公子名確。字景雲。崇禎辛未  
進士。令宜興。有善政。

論曰。予聞石公之爲治也。發摘如趙京兆。不私如劉  
一錢。德澤之及于民深矣。卒被盜殺。以身死國。烈哉。

張壯節傳

附弟可仕

公名可。大字觀甫。號扶輿。其先德安。孝感人。世襲南  
京羽林左衛千戶。公中萬曆二十九年武進士。歷官  
浙江都司。分守瓜儀。貢船被劫于帆山。公討擒其魁  
徐少山。陞劉河遊擊。陽電叅將。會有征黎之役。與總  
戎王公鳴鶴用黑番爲嚮導。入其洞。平之。調寧紹。駐  
舟山。倭再入犯。公擊破之。于五罩湖。于茶山。于潭頭。  
加副總兵。築城立碑。居人德之。歷南京錦衣衛掌堂。  
南京右府僉書。管府事。提督大教場。總理水陸軍務。

鎮守山東兼防海總兵官時爲崇禎元年自三方布置議起而登萊爲神京門限主客兵雜處支繁猥無緒公至首定經制汰冗冒水上則立海防左海防右并標中三大營爲汛守內地則止留步家丁一營馬家丁一營并陸左陸右二營爲城守歲省金錢二十萬會裁登萊撫鎮兩臺疏保公暫管登萊協守事而開府如故報可自遼土淪喪議者謂恢復必先四衛而復四衛必先旅順于是或議扼南関嶺或議築長城島公以鹽塲口居兩山之間其隘可守

外距木羊城二十餘里內距旅順関十餘里首尾易顧更設銃城于黃金山最高頂彼不敢與我爭金州矣遂決計城之高麗貢道舊繇山海関遼陽失後改繇登萊公以麗船往來內地奸宄易生請令從覺華島登陸仍繇関門入二年妖賊作亂衆至萬餘圍萊陽公擊破之焚其六砦北兵入公率山東兵七千勤王陞都督同知明年還鎮四年劉興治叛公遣裨將陳治學等擊斬之東兵攻鐵山諸島公擊却隨陞右都督其冬改南京左軍都督府管府事吳橋兵變破

陵縣等六城。公提兵會勦巡撫孫公元化主撫不聽。公遂分城而守。城陷。公守水城。知不可為。解所佩大將虎符。授旗鼓吳振姬。間道歸山東。上之。殺其妾陳氏。自縊於署之太平樓。公季弟可度與仲子鹿徵以公樞及母太夫人。繇海抵天津。疏聞。下部議覆。賜贈廕祭葬。建祠。特祀。論壯節。公長于詩文。所述有錦衣衛志等書。第可仕字文峙。以字行。改字紫澁。為諸生。通曉學故。范文貞景文在南。延之講防江戰守之策。次南樞志一百七十卷。家宮城之側。國破後。絕為兵。

屯因徙秦淮之南。編國朝布衣詩一百卷。居甚困窮。而志不屈。後公二十三年卒。論曰。公累著戰功。所向無前。顧以勢窮力盡。沈家室于清流。畢性命于尺組。而非戰之罪也。自公死而中原名將益少矣。



